

**Spiehkastatlohpi, Čáhkáljohka**

Gr 08.06.2026 § 82  
53/10.03.00.07/2026

Válmmaštalli

Huksendárkkisteaddji Joni Kiemunki, tel. 040 620 6436

Giddodahkii 890-401-28-29 CÁHKÁLJOHKA, lea guđđojuvvon huksenlága (RakL) 57 § mielde spiehkastatlohpeohcamuš spiehkastit guovlluideavahanlágas 72 § mearrádusain hukset 66 m<sup>2</sup> astoáigge viesu Máttajávrrí gáddeavádahkii. Dasa lassin huksensadji sajáiduvvá riekteváikkuhuslaš Ohcejoga oppalašláva oasseguovllu boazodáluid ássanguvlui (AO-1). Lávamearrádusa mielde guovlu lea dárkkuhuvvon boazodáluid ássanhuksemii. Guvlui oažžu hukset boazodoalu ja dasa heivvolaš siidodoaibmaealáhusaid bálvleaddji visttiid oktan ássan-, buvttadan- ja dálloalloviesuiguin.

Guovlluideavahanlága (AkL) 43 § mielde oppalašlávvas sáhttá mearridit, ahte oppalašlávvguovllus dahje dan oasis ii oaččo hukset nu, ahte váttásmahttá oppalašláva ollašuvvama (huksenráddjehus su. rakentamisrajoitus). Huksenlága (RakL) 50 § mielde huksenlobi huksenčuozáhaga huksemii ii oaččo miedihit dan láhkai, ahte oppalašláva ollašuvvan váttásmahtto. RakL 45 § mielde báikki válljema eaktun lea ahte huksen ii hehte oppalašlávvas addojuvvon mearrádusaid ollašuvvama. Lassin Guovlluideavahanlága 72 § mielde meara dahje čázadaga gáddeguvlui gullevaš gáddeavádahkii ii oaččo hukset huksenčuozáhaga sajádatláva dahje dakkár riekteváikkuheaddji oppalašláva haga, mas lea erenomážit mearriduvvon oppalašláva dahje dan oasi geavaheamis huksenlobi miediheami ággan. Huksenlága 57 § mielde gieldda sáhttá erenomáš siva geažil ohcamuša vuodul miedihit spiehkasteami dán lágas mearriduvvon dahje dan vuodul addojuvvon, huksemii dahje eará doaimbidjui guoski njuolggadusas, mearrádusas, gildosis dahje eará ráddjehusas.

Dán báikkis leahkki Ohcejoga oasseguovllu oppalašlávvas guvlui leat addon golbma huksensaji, maid leat jo geavahan eará giddodagaid oamasteaddjit. Dán báikkis ii leat nappo sajádatlávva dahje dakkár riekteváikkuheaddji oppalašlávva, man sáhtášii šat geavahit huksenlobi miediheami ággan. Dasa lassin astoáiggeviessu ii leat guovllus mii lea oppalašlávvas meroštallon boazodáluid ássanguovlun (AO-1). Guovllus leat fásta ássama huksensajit, maidda leat huksejuvvon, ja man lassin oppalašlávvas leat čujuhuvvon odđa fásta ássama huksensajit, nu ahte ohcamuša mielde huksensadji sáhttá gehčot leat giliguovllus.

Plánejuvvon viesu lea áigumuš hukset Giemajávrrí Tapionniemis 100 jagi dás ovdal gieđaguin ferrojuvvon pelkkahirsavisttis maid leat burgán ja dat lea ovttastahtton dalle guovtti 1800-logus

huksejuvvon gordnevisttis. Ohcci lea ákkastallan spiehkasteami ee. danin go astoáiggevistti huksen doarju árbevirolaš luondduealáhusa ja visti heive birrasa duovdagii dan dihte go huksensadji lea vuollegis báikkis ja dan dihte go das leat alla muorat. Das lahkosis Kurula šilljobiras lea oppalašlávvas merkejuvvon mávssolaš báikin.

Ohcci ja gielda leat gullan ránnjaid ja daid, geaid ássamii, bargui dahje eará diliide huksenprojeakta sáhtta váikkuhit mearkkašahtti láhkai. Muittuhusat eai leat bohtán. Ohcamušas leat bivdojuvvon cealkámušat Lohpe- ja bearráigeahččodoaimmahagas (LVV) ja Sámemusea Siiddas. Dasa lassin eallinfápmoguovddážiis ožžojuvvon dieđu mielde Máttajávrru 1/100a dulveallodat lea +77,69 m (N2000), man bajábealde huksensaji eanagiera galgá leat. Huksenbáikkis ii leat dahkkon allodaga merken, muhto lásermihtidanmateriála vuodul orru ahte eanagiera lea 1/100 a dulveallodaga bajábealde. Huksenbáiki lea III luohká bodnečáhceguovllus, mávssolaš buolžaguovllus ja riikkaviidosáččat mávssolaš duovdagis. Vuoddočáhceguovlu lea LVV cealkámuša mielde vejolaččat sirdašuvvamin 2-luohkkái.

Heivehuvvon riektarávvagat: Guovlluideavahanláhka 43 §, 72 § ja 73 § Huksenláhka 45 §, 50 §, 57 §, 64 §, 66 § ja 187 §.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus mieđiha ohccojuvvon spiehkastatlobi hukset 66 m<sup>2</sup> astoáiggeviesu Máttajávrru gáddeavádahkii Ohcejoga oasseguovllu oppalašlávva boazodáluid ássanguvlui (AO-1). Spiehkkanlobi mieđiheami ággan lea, ahte dán dáhpáhusas eai oainne ahte huksen hehte lávvema, láva ollašuvvama dahje guovlluid geavaheami eará ordnema, iige hehte luonddugáhtema dahje huksejuvvon birrasa suodjaleami mihttomeriid ollašuvvama. Prošeakta ii oaččo áigái mearkkašahtti huksema dahje muđui dagat mearkkašahtti vahátlaš biras- dahje eará váikkuhusaid gv. huksenbáikkis. Dan lassin ohcci lea ovdanbuktán spiehkkanlohpaí erenomáš sivaidda ja ákkaid. Huksen ee. doarju árbevirolaš luondduealáhusaid ja heive huksensadjái ja duovdagii. Ovdal huksenbargui álgima galgá ohat aitosáš huksenlobi guovtti (2) jagi siste dán mearrádusa addimis, man giedahallama oktavuodas guorahallojuvvojit lobi mieđiheami eará eavttut nu mo lágas lea mearriduvvon. Bázahusčáhcevuogádagat galget deavdit Ohcejoga gieldda birasgáhttenmearrádusaid. Huksensaji eanagierraga allodat galgá leat dásis +77,69 (N2000) bajábealde ja vuolimus lávttasvuhtii hearkkes visteosiid galgá sajustit dásái +78,19 (N2000) bajábeallái almmá sierra bánkkaid ráhkadeami haga. Huksemis galgá čuovvut oppalašlávvas addojuvvon mearrádusaid mat gusket huksenvuohká ja eanadatdikšumii laktáseaddji mearrádusaid. Huksenbáikki lunddolaš šattodaga ja muoraid galgá seailuhit nu ollu go vejolaš.

Mearrádus

Soađegili huksendárkkisteaddji Hannu Hukki ovdanbuvttii ášši  
gielddaráđđehusa lahtuide.

Evttohus dohkkehuvvui.

## Nuppástusohcanráva guoská paragrafaid: § 82

### VÁIDDAČUJUHUS

Dán mearrádussii ohccojuvvo nuppástus hálddahusváidagiin.

### Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra ásahuvvo. Eiseváldi oažžu ohcat nuppástusa váidimiin maiddái, jos váidimii lea dárbu almmolaš ovddu dihte, man eiseváldi gohcá.

### Váidináigi

Vuigengáibádusa galgá dahkat 30 beavve geažes das, go lea ožžon mearrádusa diehtun.

Váidaga galgá doaimmahit váiddaeiseváldái mañimustá váidináiggi mañimuš beavve ovdal, go váiddaeiseváldi doaimmahat giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beavve geažes reivve sáddemis. Gehččojuvvo goittotge, ahte *eiseváldi* lea ožžon mearrádusas dieđu dan beavve, go reive lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmmát beavve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi mañimuš beaivi lea bassebeaivi, iehčanasvuođabeaivi, válborbeaivi, juovla- dahje mihcamáruohtta dahje árgalávvardat, de váidaga oažžu dahkat vuosttas árgabeavve dan mañjá.

### Váiddaeiseváldi

Váidda dahkkojuvvo Davvi-Suoma hálddahusriektái (Pohjois-Suomen hallinto-oikeus)

Poastačujuhus: PL 189, 90101 OULU

Uksačujuhus: Torikatu 34-40, Oulu

Telefonnummir: 029 564 2800

E-boasta: [pohjois-suomi.hao@oikeus.fi](mailto:pohjois-suomi.hao@oikeus.fi)

Váidaga sáhhtá dahkat maid hálddahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

## Váidaga hápmi ja sisdoallu

Váidaga galgá dahkat čálalaččat. Maiddá elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (*váidinvuloš mearrádus*);
- 2) man dáfus mearrádussii ohcá nuppástusa ja maid nuppástusaid dasa gáibida (*gáibádusat*);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtheadieđuid. Jos sátneválddi geavaha váidi lágalaš ovddasteaddji dahje fápmuduvvon olmmoš, de maddái su oktavuohtheadieđuid galgá almmuhit. Jos oktavuohtheadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálddahuosduopmostullui farggamusat.

Váidagis galgá almmuhit maddái dan boastačujuhusa ja vejolaš eará čujuhusa, masa riektegeavvama áššegirjiid sáhtá sáddet (*proseassačujuhus*). Jos váidi lea almmuhan eambo go ovttá proseassačujuhusa, de hálddahuosduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eiseváldái.

## Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

## Beavdegirji

Mearrádusa guoskevaš beavdegirji váldosiid ja čuvvosiid sáhtá bivdit Ohcejoga gieldda girjenkantuvrras.

Poastačujuhush: PL 41, 99981 OHCEJOHKA  
Uksačujuhush: Luossa 1a Ohcejohka  
E-boasta: kunnanvirasto@utsjoki.fi  
Telefonnummir: 040 188 6111

Girjenkantuvra lea rabas vuossárggas bearjadahkii dii. 9.00 – 15.00.

Beavdegirji lea 15.6.2026 dolvojuvvon oaidninláhkai almmolaš diehtofierbmái čujuhussii [www.utsjoki.fi](http://www.utsjoki.fi).